



অবিলম্বে প্রকাশের উদ্দেশ্যে: 12/21/2021

গভর্নর ক্যাথি হোকল

গভর্নর ক্যাথি হোকল ঘোষণা করেছেন যে ড. মার্টিন লুথার কিং, জুনিয়রের স্মৃতি ও অবদানের প্রতি নিউ ইয়র্ক স্টেটের শ্রদ্ধাঞ্জলি নিউ ইয়র্কের PBS স্টেশনগুলিতে সম্প্রচারিত হবে

উপস্থাপনা করবেন গ্র্যামি ও এমি পুরস্কার-বিজয়ী গীতিকার/সুরকার, হ্যামিল্টনের ক্রিস্টোফার জ্যাকসন

গভর্নর ক্যাথি হোকল আজকে ঘোষণা করলেন যে ড. মার্টিন লুথার কিং, জুনিয়রের (Dr. Martin Luther King, Jr, MLK) জীবন এবং স্মৃতি ও অবদান নিয়ে নিউ ইয়র্ক স্টেটের বার্ষিক স্মারক একটি স্টেটব্যাপী ব্রডকাস্ট অনুষ্ঠানে উপস্থাপন করা হবে, যার নাম "New York State Celebrates Dr. Martin Luther King, Jr.: Opportunity and Promise", যা পুরো নিউ ইয়র্কে MLK সপ্তাহান্তের শুরুতে পাবলিক ব্রডকাস্টিং সার্ভিস (Public Broadcasting Service, PBS) স্টেশনসমূহে সম্প্রচারিত হবে এবং empirestateplaza.ny.gov/nyking এ স্ট্রিমিং করা হবে।

ড. কিংয়ের প্রতি এক-ঘণ্টার শ্রদ্ধাঞ্জলি নিউ ইয়র্ক স্টেটের এমন মানুষ ও সংস্থাকে তুলে ধরবে যারা আমেরিকার সামাজিক ন্যায়বিচার, স্বাধীনতা, এবং সমতার সবথেকে উল্লেখযোগ্য নেতাদের একজনের নীতি অনুসরণ করে। অনুষ্ঠানের সময়সূচি অঞ্চলভেদে ভিন্ন হবে, এবং দর্শকদের তাদের স্থানীয় TV অনুষ্ঠানসূচি দেখার জন্য উৎসাহিত করা হচ্ছে।

"ড. মার্টিন লুথার কিং, জুনিয়র সমতার জন্য লড়াইয়ে নিজের জীবন উৎসর্গ করেছেন এবং তার স্মৃতি ও অবদান এখনো আরো ন্যায্য, আরো ন্যায্যপরায়ণ সমাজের সন্ধানে থাকা অগণিত আমেরিকানদের জন্য একটি চালিকাশক্তি হিসেবে কাজ করে," **গভর্নর হোকল বলেন।** "এই বছর, নিউ ইয়র্ক সঙ্গীত ও শিল্প দিয়ে ড. কিংয়ের স্মৃতি ও অবদানকে সম্মানিত করবে। আমি আপনাদের সকলকে টিভি ছেড়ে এই অনন্য অনুষ্ঠানটি উপভোগ করার আমন্ত্রণ জানাচ্ছি যা আমাদেরকে শুধু আমাদের অতীতের শিক্ষাই দেয় না, বরং আগামী প্রজন্মের নেতৃত্বদকে আরো ভালো পৃথিবী গড়ে তুলতে অনুপ্রাণিত করতে সাহায্য করবে।"

নিউ ইয়র্ক স্টেট অফিস অফ জেনারেল সার্ভিসেসের (Office of General Services) ভারপ্রাপ্ত কমিশনার ডিনেট ময় বলেন, "প্রতি বছর, নিউ ইয়র্ক স্টেট ড. কিংয়ের জীবন এবং তার স্মৃতি ও অবদানকে উদযাপন করে সঙ্গীত এবং ন্যায্যতা ও সমতার ব্যাপারে তার শিক্ষাকে বরণ করে নেওয়া প্রতিভাবান দল ও ব্যক্তির গল্পের মাধ্যমে। অফিস অফ জেনারেল সার্ভিসেস গর্বিত আরেকটিকে দৃশ্যত প্রেরণাদায়ক অনুষ্ঠান প্রয়োজনা করতে পেরে যেটি আমাদের

সমাজে সকলের জন্য সুযোগ ও প্রতিশ্রুতি থাকার গুরুত্বকে ফুটিয়ে তুলেছে। আমি গভর্নর হোকলের সাথে যোগ দিয়ে নিউ ইয়র্কবাসীকে অনুষ্ঠানটি দেখার এবং ড. কিংয়ের স্বপ্নকে বাঁচিয়ে রাখতে নিজেদেরকে পুনরায় নিবেদন করার তাগিদ দিচ্ছি।"

WMHT-র প্রধান নির্বাহী কর্মকর্তা রবার্ট অল্টম্যান বলেন, "আমরা আরেকবার পুরো স্টেটের নিউ ইয়র্কবাসীর কাছে তাদের সরকারি টেলিলক্ষ্য স্টেশনের মাধ্যমে এই উদযাপন ছড়িয়ে দিতে পেরে আনন্দিত। অনুষ্ঠানটি আমাদের সকলকে একটি গুরুত্বপূর্ণ সুযোগ করে দেয় সেই স্বপ্নকে অর্জন করার অঙ্গীকারের প্রতিফলন করতে, যে স্বপ্নের জন্য ড. কিং নিজের জীবন উৎসর্গ করেছেন।"

ক্রিস্টোফার জ্যাকসনের উপস্থাপনায়, এই বছরের অনুষ্ঠানটি দর্শকদের নিউ ইয়র্ক স্টেটের একটি ভার্সিয়াল ট্যুরে নিয়ে যাবে।

ক্রিস্টোফার জ্যাকসন একজন গ্র্যামি ও এমি বিজয়ী গীতিকার/সুরকার এবং সেই সাথে একজন টনি পুরস্কারের জন্য মনোনীত অভিনেতা যিনি সমালোচকদের দ্বারা প্রশংসিত, পুরস্কার বিজয়ী ব্রডওয়ে মিউজিক্যাল "হ্যামিল্টনে" জর্জ ওয়াশিংটন চরিত্রে অভিনয়ের জন্য সবথেকে বেশি পরিচিত। তাকে বর্তমানে CBS নাটক "বুল" এ অভিনয় করতে দেখা যাচ্ছে এবং সম্প্রতি তিনি ব্রডওয়েতে সীমিত সময়ের জন্য দেখানো "ফ্রিস্টাইল লাভ সুপ্রিম" এ অংশগ্রহণ করেছেন। এছাড়াও তিনি এভা ডুভার্নির নেটফ্লিক্স মিনি-সিরিজ "হোয়েন দে সি আস" এ অভিনয় করেছেন।

সিরাকিউস থেকে পাকিস্তি, স্কেনেক্টেডি থেকে লং আইল্যান্ডের নিউ ইয়র্কবাসীদের দৃষ্টিভঙ্গি, অনুষ্ঠানটি ড. মার্টিন লুথার কিং জুনিয়রের জীবন ও স্বপ্নকে এমন সঙ্গীত, শিল্প এবং প্রেরণাদায়ক গল্পের মাধ্যমে তুলে ধরে যেখানে আমাদের নিউ ইয়র্কবাসীদের সুযোগ ও প্রতিশ্রুতির প্রতিফলন হয়।

অনুষ্ঠানের কিছু লক্ষণীয় অংশ হলো:

- নিউ ইয়র্ক স্টেটের গভর্নর ক্যাথি হোকল প্রদত্ত মার্টিন লুথার কিং জুনিয়র দিবস উপলক্ষে একটি বিশেষ বার্তা।
- পিক্সস্টার উদযাপনে একটি ফিচার, যারা হলো একটি ডাচ ধর্মীয় উদযাপন যেটিকে দাসত্বের শিকার ও মুক্ত আফ্রিকান আমেরিকান উভয় গোষ্ঠী ঔপনিবেশিক যুগে নিউ ইয়র্কে আফ্রিকান সংস্কৃতির একটি উদযাপনে রূপান্তর করেছিলো।
- পুরো স্টেট থেকে প্রেরণাদায়ক পারফরম্যান্স, যেমন জা'মালিক ও পারচেজ কলেজের কনজার্ভেটরি অফ ড্যান্সের (Conservatory of Dance at Purchase College) শিক্ষার্থীদের একটি আসল কোরিওগ্রাফ করা নৃত্য, 2022 ড. মার্টিন লুথার কিং জুনিয়র অনসম্বল (r. Martin Luther King Jr. Ensemble) এবং ক্যাপিটাল রিজিয়নের চিলড্রেন্স অনসম্বল (Children's Ensemble from the Capital Region), এবং অ্যালবানি ইউনিভার্সিটির মার্চিং ব্যান্ডের (University at Albany Marching Band) গান।
- SNUG-র ব্যাপারে একটি গল্প, যা হলো লং আইল্যান্ডের একটি বন্দুক-সহিংসতা হ্রাস উদ্যোগ যা রাস্তার উচ্চ ঝুঁকির ব্যক্তিদের নিয়ে কাজ করে।

- সফল শেফ ও রেস্টোরাঁর মালিক ব্র্যান্ডন ওয়াকারের প্রোফাইল, যার বৈশ্বিক স্বাদ ও পারিবারিক শেকড় হাডসন ভ্যালির রন্ধনশিল্পকে অনুপ্রেরণা প্রদান করেছে।
- স্কেনেক্টেডির বিনয়ী ইনার-সিটি বক্সিং ক্লাবের একনজর, যারা তাদের সম্প্রদায়ের তরুণদের জীবন লালনপালন করেছে, বক্সিং রিংয়ের ভেতরে ও বাইরে।

সকলেই ড. কিংয়ের ভাবমূর্তিতে জীবনযাপন করা নিউ ইয়র্কবাসীদের ব্যাপারে আরো জানতে অনুষ্ঠানটি দেখার জন্য আমন্ত্রিত।

পারফর্ম্যান্সগুলির পাশাপাশি, মানুষকে নিউ ইয়র্ক স্টেট ড. মার্টিন লুথার কিং, জুনিয়র শিক্ষার্থীদের শিল্প ও রচনা প্রদর্শনী (Dr. Martin Luther King, Jr. Student Art and Essay Exhibition) দেখার জন্যও আমন্ত্রণ করা যাচ্ছে, যেখানে থাকবে পুরো স্টেটের K-12 শিক্ষার্থীদের জমা দেওয়া সৃষ্টি যেগুলি ড. কিংয়ের অহিংসার ছয়টি নীতি দ্বারা অনুপ্রাণিত হয়েছে। ভার্চুয়াল গ্যালারি দেখা যাবে empirestateplaza.ny.gov/nyking এ, 17 জানুয়ারি থেকে 28 ফেব্রুয়ারি পর্যন্ত।

এছাড়াও, প্রতি বছর নিউ ইয়র্ক স্টেটে ড. কিংয়ের সম্প্রদায়ের লক্ষ্য পূরণ করতে একাধিক সেবা-সংক্রান্ত অনুষ্ঠানের আয়োজন করা হয়। এর মধ্যে রয়েছে ড. মার্টিন লুথার কিং জুনিয়র স্টেটব্যাপী খাদ্য উদ্যোগ (Dr. Martin Luther King, Jr. Statewide Food Drive), যা অনুষ্ঠিত হবে 12 ডিসেম্বর 2021 থেকে 11 ফেব্রুয়ারি 2022 পর্যন্ত এবং ড. মার্টিন লুথার কিং জুনিয়র স্টেটব্যাপী বই উদ্যোগ (Dr. Martin Luther King Jr. Statewide Book Drive), যা অনুষ্ঠিত হবে 21 ফেব্রুয়ারি থেকে 22 এপ্রিল 2022 পর্যন্ত।

পুরো স্টেটে PBS স্টেশনসমূহে দেখার সুযোগসহ, "নিউ ইয়র্ক স্টেট ড. মার্টিন লুথার কিং, জুনিয়রকে উদযাপন করছে: সুযোগ ও প্রতিশ্রুতি," 17 জানুয়ারি সকাল 10টা থেকে empirestateplaza.ny.gov/nyking এ দেখা যাবে।

নিউ ইয়র্কের PBS সদস্য স্টেশনের অনুষ্ঠান আপডেট ও অতিরিক্ত তথ্যের জন্য, অনুগ্রহ করে empirestateplaza.ny.gov/nyking ভিজিট করুন, এবং @NYSMLK কে ফেসবুক ও টুইটারে অনুসরণ করুন।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418